

永樂大典

卷〇〇五四〇 頌字等

卷〇〇五四一 庸字

卷〇〇五四二 庸字

卷〇〇五四三 庸字

卷〇〇五四四 庸字

永樂大典卷之五百四十

一東

頌

洪武正韻以中切。漢惠帝紀有罪當盜者皆頌繫。顏師古曰古者頌與容同。刑法志注頌謂寬容之。不桎梏也。又魯徐生善爲頌。蘇林曰漢舊儀有

二郎爲頌貌威儀。又送韻。从公从頁。本頌韻字。取其形容威德。因借爲歌頌字。許慎說文頌貌也。从頁公聲。余封切。又似用切。韻補文徐錯通釋比

容儀字。歌頌者美威德之形容。頌故通作頌。後人因爾亂之。定以此爲歌頌字。然今世間詩本周頌。亦或作訟。與封反。韻野王王篇頌與恭切。形容

似用切歌頌。丁度集韻籀作頌。通作容。戴侗六書故唐主褚生應博士弟子選振衣登堂。頌禮甚嚴。又作頌。借爲雅頌之頌。借義奪正義。故頌貌反

借用容內之容。伯氏曰詩序云頌者美威德之形容也。止當讀如字。李青吾字通頌今以爲雅頌之頌。形容字乃從容。容乃容受之容。倪璠六書類

釋作頌。借爲雅頌之頌。似用切。借義奪正。故頌與容兩用。周伯琦六書正譌隸作容。訓容受也。借用別作容非。篆只當用此字。趙謙聲音文字通論

弓切。蘇林曰漢舊儀有二郎爲頌貌威儀。俗但借容。轉注見貢韻。頌籀文从容聲。俗亦从人。漢婦官有俗華。借俗華寔名雙音見上聲。

篆書

古論語

頌

頌

頌

頌

頌

頌

古文篆見姚敦

頌

頌

頌

頌

高勉齋學

隸

頌

頌

頌

頌

頌

頌

石門

頌

頌

誦

誦

書韻總

書

頌

頌

頌

頌

頌

頌

頌

頌

頌

誦

誦

碑並漢

草

頌

頌

頌

頌

頌

頌

頌

頌

頌

誦

誦

隸字源

書

頌

頌

頌

頌

頌

頌

頌

頌

頌

誦

誦

國頌

管子注頌容也。謂陳為國之形容。凡有地牧民者。務在四時。四時所以生成萬物也。守在倉廩。食者人之天也。國多財則遠者

來。地辟舉則民留處。舉盡也。言地盡闢則人留而安居處也。倉廩實則知

禮節。衣食足則知榮辱。上服度則六親固。服行也。上行禮度則六親各得

其所。故能感恩而結固也。四維張則君令行。故省刑之要在禁文巧。文巧

者。刑法所由生。守國之度在飾四維。順民之經在明鬼神祇山川。鬼神山

川。皆有尊卑之序。故敬明之。敬宗廟恭祖舊。謂恭承先祖之舊法。不務天

時則財不生。不務地利則倉廩不盈。野蕪曠則民乃管。管當為焉。上無量

則民乃妄。文巧不禁則民乃淫。不障兩原則刑乃繁。障當為焉。章明也。兩

原。謂妄之原上無量也。淫之原不禁文巧也。能明此法者則刑簡。不明鬼

神則隕民不悟。不悟鬼神有尊卑之異也。不祇山川則威令不聞。言能登封降禪祇祀山川。則威令遠聞。不敬宗廟則民乃上校。校。効也。若無所尊人亦効之。不恭祖舊則孝悌不備。四維不張。國乃滅亡。

溶

洪武正韻以中切。水貌。又董韻。顧野王玉篇俞種切。又音容。丁度集韻余封切。說文水盛也。一曰安流也。亦水名。司馬光類篇又尹疎切。婁機廣干祿字又余隴切。戴侗六書故水舒緩貌。又上聲。淮南子曰。動溶無形之域。釋行均龍龕手鑑又音勇。楊桓六書統喻母臘既聲。熊忠韻會舉要羽次濁音。陰時夫韻府群玉溶溶。水盛貌。趙諫聲音文字通論弓切。方音上聲。韻會定正字切。喻雄。喻寅延溶。

篆書

臈 說文見杜从古文韻海

臈

徐鉉

臈

六書

草

溶

鮮于樞草書集韻

沈溶

楊雄羽獵賦華縱沈溶。淋漓翕落。沈音衮。流行貌。

貫涵溶

抱朴子內篇暢玄卷云。交六虛。貫涵溶。詳

二川溶溶

唐杜牧樊川集阿房宮賦。二川溶溶。流入宮牆。

恩鴻溶

李翰林集恩鴻溶兮

澤汪
暗溶溶
宋蘇東坡集殘雪照山光
耿耿輕水籠水暗溶溶

蓉

洪武正韻以中切。芙蓉生於水者。即荷華也。古詩涉江採芙蓉。生於木者。亦名拒霜。楚辭華芙蓉兮木末。又荻蓉。藥名也。許慎說文。葍。以艸容聲。余封切。吳越韻補叶音于方切。徐幹七喻。懸明珠於長韜。燭宵夜而為陽。玄鬢擬於雲霧。艷色過乎芙蓉。郭守正紫雲韻。荷華未發為莖蕩。已發為芙蓉。漢相如傳。外發芙蓉。陵華。揚桓六書統。喻母巖。既聲。熊忠韻會。舉要羽次濁音。說文。芙之言敷也。蓉之言動容也。楚辭集芙蓉以為裳。又木芙蓉。秋花。字滌博義。說文。芙蓉。華在衡山。李詩。青天削出金芙蓉。趙謙聲音文字通論。弓切。此續收。古但借容。韻會定正字切。喻雄。喻寅延蓉。

篆
蓉
說文見杜从古
集。篆古文韻海。
徐鉉
蓉
行
果。
黃庭
蓉

草
蓉
並張
錦溪。
鮮于樞並
蓉
草書集韻。

木芙蓉
格物叢談。芙蓉之名二。出於水者。謂之水芙蓉。荷花是也。出於陸者。謂之木芙蓉。此花是也。此花叢高丈餘。葉大盈

尺。枝幹交加。冬凋夏茂。及秋半始着花。花時枝頭蓓蕾。不計其數。朝開暮謝。後陸續頗與牡丹芍藥相類。但牡丹芍藥之花。不如是之夥且繁也。然此花以色取而無香。有紅者。有黃者。有白者。有先紅而後白者。又有千葉者。非一種而已。況此花又耐寒。八九月餘。天高氣肅。春意自如。故亦有拒霜之名。世俗多於近水栽種而茂。因號曰木蓮。審然矣。古今事通老圃云。芙蓉花根三年不除殺人。李白詩。昔爲芙蓉花。今爲斷腸草。農桑撮要候芙蓉花開。帶青楷漚過。取皮可代麻葉。鎮江志。草木記。產於陸者曰木芙蓉。按楚辭。寧芙蓉兮木末。持假物爲喻。言芙蓉在水而求之木。不可得也。二花顏色相類。後人借此語以名之爾。種藝必用。邛州有弄色木芙蓉。初日白。明日鵝黃。又明日淺紅。又明日深紅。比落微紫色。又謂之文官花。芙蓉隔夜以靛水調紙。蘸花葉上。以紙裹。來日開成碧色花。五色皆可染。梁書。昭明太子游後池。乘雕文舸。摘芙蓉。姬人蕩舟沒溺得出。因動股寢疾。亮。元康文靖公集。讌集芙蓉花序。木芙蓉華與菊時性喜暖。恒產南土。繁于中州。前未聞也。友人周介甫始移自漢中。植于咸寧之甬。張別業。每於其榮。輒邀賓朋。具樽俎以樂之。時天高氣清。凌霜未肅。聽流水。蠲絲竹。倚方叢。當效麗。而嫣然其順。灼然其媚。姍然其艷。粲然其蔚。逐客獻能。又

非陽春凡卉之所可廁。已而耀靈西沈。則酣然其寐。是有以象夫道義之士。順陽以逆晦。於是羽觴縱橫。笑歌迭作。客輟杯而言曰。追散以廢光陰。塊默以孤景物。俱未適夫中。蓋一張一弛。文武之道也。今日之集。豈徒然哉。介甫欲述以辭。俾余爲引。王維詩。木末芙蓉花。山中發紅萼。澗戶寂無人。紛紛開且落。李德裕詩。玉女襲朱裳。重重映皓質。晨霞耀丹景。片片明秋日。蘭澤多衆芳。妍姿不相匹。韓昌黎詩。木芙蓉詩。新開寒露叢。遠比水閒紅。露方作路。閒或作遣。皆非是。豔色寧相妬。嘉名偶自同。採江官渡晚。寥木古祠空。方從杭蜀館。本官渡作秋節。祠作辭。又云。閩本作秋江官渡晚。寒木古祠空。洪本校從採江官渡晚。寥木古祠空。按古詩有涉江採芙蓉。正謂荷花。又九歌。寥芙蓉兮木末。則謂寥之非其地也。此以二花對喻。謂將採之江。則秋節已晚。將寥之木。則古辭所喻爲無益。蓋詩人強彼弱此意也。今按方說非是。蓋此詩言荷花與木芙蓉主不同處。而已皆美。名又同。故以採江寥木二事相對。言其主處。而九歌者。祭神之辭。故曰古祠也。如此。則此詩從頭至此六句。意皆聯屬。然嘉祐杭本已如此。非洪意定也。願得勤來育。無令便逐風。願得或作須。勸柳宗元集。湘岸移木芙蓉。植龍興精舍。木芙蓉。非霜也。有美不自蔽。安能守孤根。盈盈湘西岸。秋至

風露繁。麗影別寒水。穠芳委前軒。菱荷諒難雜。反此生高原。霍總詩木芙蓉。本自江湖遠。常聞霜露餘。爭春候濃李。得水憶紅蕖。孤秀曾無偶。當

門幸不鉏。唯能政搖落。紫綵照堦除。趙彥朝詩秋朝木芙蓉。水面芙蓉秋已衰。繁條偏是著花遲。平明露滴垂紅臉。似有朝開暮落悲。白居易詩

木芙蓉花下招客飲。晚涼思飲雨三杯。召得江頭酒客來。莫怕秋無伴醉物。水蓮花盡木蓮開。黃滔詩木芙蓉三首。黃鳥啼煙二月朝。若教開

即牡丹競。天嫌青帝恩光盛。留與秋風雪寂寥。却假青腰女剪成。綠羅囊綻彩霞呈。誰怜不及黃花菊。只遇陶潛便得名。須到露寒方有態。爲

經霜裏稍無香。移根若在秦宮裏。多少佳人泣曉粧。劉兼詩木芙蓉。素靈失律詐風流。強把芳菲半載偷。是葉萎蕤霜照夜。此花爛熳火燒秋。謝

蓮色淡爭甚重。陶菊香濃亦合羞。誰道金風能肅物。因何厚薄不相俦。洪適盤洲集木芙蓉離騷。米韓芳水中。寧芙蓉芳木末。蓋言水中無辭

荔可米。木末無芙蓉可攀。猶緣木末魚之意。與古詩涉江米芙蓉。皆指藕花也。韓文公木芙蓉詩云。米江官渡晚。攀木古祠空。乃誤用耳。非陸有

芙蓉。石同物不同。米江寧木句。作麼誤韓公。米晦庵集木芙蓉。紅芳曉露濃。綠樹秋風冷。共喜巧回春。不妨開弄影。許綸詩木芙蓉。津陸元殊

種。名稱偶爾同。秋光波底見。堤上憶蘇公。次韻方叔眉川園亭上觀芙蓉。

薛霞學錦炫晴空。碧玉芙蓉晚更紅。只道商秋為素景。也教春色艷

秋風。許棊詩木芙蓉。芙蓉艷金谷。秋色錦機中。霜樹不知醜。葉與花爭

紅。宋景文公集木芙蓉。芙蓉本作樹。花葉兩相宜。慎勿迷蓮子。分明立

券辭。當時重誼云。千金買藥園。中有芙蓉樹。正指此木芙蓉耳。一作淮

南守。再逢霜艷新。花前今日酒。却是去年人。予去秋已有木芙蓉四曲。故

有是句。木芙蓉盛開四解。木末芙蓉語。當時不謂真。今來木末見。愁

殺擬騷人。楚辭。拳芙蓉兮木末。孟指芙蓉假為喻爾。翅塵輕抱藥。官纈

巧粧叢。青女由來妬。憑君淺作紅。浩露津細蘊。失風獵絳英。紫霜不可

拒。慎勿愛空名。俗雖名拒霜花。其實逢霜即悴矣。十統青叢外。剪觴只

自留。晚花兼素髮。同是一悲秋。江南木芙蓉。張子春云。其高如樹。中山

地寒才數尺。花瘠色淡。八月已開。江南高北樹。塞北僅成叢。向晚誰爭

艷。防寒淺作紅。弄條風浙浙。銜藥蝶忽忽。且作黃花伴。無令歎筆空。梅聖

俞苑陵集。解後木芙蓉。託根地雖卑。交霜花亦茂。物稟固不遷。人情自

為陋。幸與時菊開。誰嗟發孤秀。楚人拳木末。已見離騷就。司馬溫公傳家

集。木開木芙蓉。木末采芙蓉。騷人歌所無。何言霜華艷。不與水芝殊。香

苞蔚臍結。茂葉桐陰敷。豈若龜巢類。飄零老五湖。詩海繪章木芙蓉花
孤芳託寒木。一畝一苗新。春色不爲主。天香難動人。丹楓見流落。黃菊伴
因循。莫訝偏相愛。來遲似我身。李石方冊集木芙蓉 榮枯一氣內。造化
本自公。春花與秋蒂。孰云有不同。試看木芙蓉。雨露滋芳叢。嫣然生百巧。
秀色傾房櫳。婢子有不慍。偃蹇霜枝紅。溪柳踈其西。池荷亞其東。等作一
物看。曾是煩春工。開闔寓至理。歲事號秋風。比有桃李場。感嘆無言中。王
黃州小畜外集栽木芙蓉 憶在長洲縣。手植芙蓉花。春栽秋成樹。枝
葉青婆娑。八月寒露下。朵朵開紅葩。輕圓蜀江錦。碎剪亦城霞。香侵賓朋
坐。豔拂人吏衙。凌霜伴松菊。滿地如桑麻。歲寒萬木脫。所留留根查。春雷
一聲動。又長新枝柯。良因地脉冥。豈在人力多。今來帝城裏。貧宅如蜂窠。
堦前栽數根。換土擁新沙。澆溉汲御溝。蓋覆堆野莎。經春不出土。入夏方
有芽。窮秋竟憔悴。花小尤不嘉。地氣移物性。自念良可嗟。還同山野人。強
爲晉組加。妨賢將致誚。薄俸未充家。所以多病身。少年雙鬢華。紫微雖云
貴。白髮將奈何。會當求山郡。卧理尋烟蘿。奉親冀豐足。委身任蹉跎。終焉
太平世。散地恣狂歌。陳古靈集中和堂木芙蓉盛開戲呈子瞻 千林寒
葉正踈黃。占得珍叢第一芳。容易便開三百朵。此心應不畏秋霜。宋景文

公集寒國蕭蕭雨氣收。欹房障葉似凝愁。情知邊地霜風惡。不肯將花利
占秋。王安石臨川集木芙蓉。木芙蓉。今芙蓉也。水邊無數木芙蓉。露染

胭脂色未濃。政似美人初醉著。強擡青鏡欲粧慵。薛能詩。記得玉人初病
起。道家裝束厭樓時。杜荀鶴詩。早被嬋娟誤。欲粧臨鏡慵。承恩不在貌。

教妾若爲容。風暖鳥聲碎。日高花影重。年年越溪女。相憶採芙蓉。王之道

相山集題烏江官舍木芙蓉。挑葉蕭疎擲葉黃。清寒應怯夜來霜。芙蓉

雅與秋相好。獨對層臺試晚粧。呂東萊詩。木芙蓉。小池南畔木芙蓉。雨

後霜前着意紅。猶勝無言舊桃李。一生開落任東風。鄭剛中北山集池邊

幾簇木芙蓉。衰露樓煙花更濃。地有鮮鮮金菊對。賞時莫惜醉千鍾。胡銓

潛庵集。十二月二十四日問譚孔昭疾。見庭下雨中花云。木芙蓉也。楚詞

云。寧芙蓉兮木末。言芙蓉水花。不在木末也。幽花卧雨滋澦淚。秀色可

人羞治容。却笑楚人非傳物。不知木末有芙蓉。史浩鄮峯漫錄。即席賦木

芙蓉。盈盈佇立放秋霜。露染胭脂作靚粧。正似瑤池見金母。醉歸未脫

綠衣裳。張約齋湖南集。蘇隄觀木芙蓉。因見淨慈明上人。翌日惠詩。請贈

二絕。來訪秋花本爲詩。酒杯微逐負幽期。山中聖出明書記。還了清遊

一畧奇。口邊白醖公家事。坐上清狂我輩真。會乞一閑歸故隱。定因能

賦結高人。池上木芙蓉欲開述興二首。芙蓉環望壓波明。燕尾舟從
綠處撐。侍得花成紅香隋。老夫天地錦駝撐。岸巾三酌便酣眠。墮地驚
曉。

寫未全。明日滿城人定說。若無詩景是神仙。題羔羊齋外木芙蓉。慵
粧酣酒夕陽濃。洗盡霜根看綺叢。綠地團花紅錦障。不知庭院有西風。

寬前木芙蓉。辛苦孤花破小寒。花心應似客心酸。更憑青女留連得。未
作愁紅怨綠看。趙蕃淳熙藥木芙蓉。三兩芙蓉並水叢。向人能白亦能

紅。浩然不在芍藥下。如何獨占晚秋風。劉忠肅公集。誰染輕紅駸萬囊。靚
如粧面照寒塘。蜀葵千葉仍陪菊。芍藥重臺更耐霜。呂南公灌園集。曉過

城隍街馬上。看木芙蓉。秋來風味苦開珊。偶爲繁紅畧據鞍。何處更期
征鴈過。祇今聊作故人看。三冬已至休爭氣。九月將殘未覺寒。自有榮華

趁時節。免從蘭菊論豐端。王之道相山集。次韻徐伯遠木芙蓉。千林搖
落見孤芳。銷得詩人賦拒霜。高壓菊花還獨步。靜窺池水試新粧。自憐衰

病追歡懶。忽覩騷吟引興長。何必採江重比並。佳名艷色正相當。項安世
悔藥後編。次韻盧潛木芙蓉二首。風波久厭水中央。初日精神入檻光。

木末端。來就詞客。牆頭應是誤行郎。高花大葉宜圍障。淺綠深紅照豆觴。
壯觀秋容惟有此。霜邊倒盡雨邊荒。吹殘池面柳中央。幻出臺前艷粉。

光。衣典欲催愁杜老。越人呼爲催典花。言間時寒氣將至也。鬢霜難拒笑
潘郎。風來尚恐波生陸。暑退猶疑葉可觸。避暑飲以蓮葉烏盃。擬種陶未
三百樹。廣文茅屋未應荒。吹韻高秀才木芙蓉。流落秋江世未知。知
心惟有子西詩。唐子西芙蓉行。以孔孟伯夷賈生託興。蘇韓句外新相識。
孔孟門中許獨窺。不然碧桃真義命。見高蟾下第詩。最宜青女好襟期。見
大蘇詩。娉婷恥向東風嫁。羞殺邯鄲道上姬。鄧紳伯詩。木芙蓉。露冷煙
淒草樹荒。木芙蓉好試平章。蒲萄晚葉尤宜日。芍藥秋花正耐霜。蜀錦卷
幃粧院落。秦宮閒鏡照池塘。寫容安得劍南老。聊復殷勤酌一觴。騎省徐
鉉集題殷舍人宅木芙蓉。憐君庭下木芙蓉。嫋嫋纖枝淡淡紅。曉吐芳
心零宿露。晚搖嬌影媚清風。似含情態愁秋雨。暗減馨香借菊叢。默飲數
杯應未稱。不知歌管與誰同。張凜紫微先生集種木芙蓉。去歲經秋百
卉空。今年多種木芙蓉。未如蜀國城邊望。疑是秋江渡口逢。定之堆蜂來
慰藉。應餘寒菊伴丰容。敢同出水方新句。空自長吟負老松。晏持立詩。木
芙蓉。西風颯颯吹紅蘭。千林搖落無容顏。芙蓉花高猩血殷。爍爍對此
紅玉盤。冰霜駸駸花事寢。生對此花須痛飲。安得蠻戶千張機。爲我織此
明霞錦。商氣正慘慄。商花忽紅芳。有如乍貧婦。猶飾盛時妝。衆目驚賞

心。所見非所望。此後少朱榮。寂寞摘抽黃。美人嬾娟隔秋江。翠羅織裳
楸葉光。醉香艷粉凋斜陽。更使詩人感杏塲。周紫芝太倉稊米集木芙蓉
歌 吳江十月霜華淺。秋空無雲霜日暖。芭蕉樹暗簾幕垂。木芙蓉開紅
婉婉。銀床露重梧葉飛。金錢掃地秋蘭萎。無人自對秋風笑。黃蜀葵花不
同調。慢綠妖紅解醉人。徐娘未老秋娘少。少年時節歡樂多。紅蓮影落秋
江波。若耶女兒白如玉。夜半採蓮聞棹歌。驚風吹浪鴛鴦起。回頭日月飛
梭裏。對花不飲今蹉跎。淚濕秋風當奈何。楊叔能小可集木芙蓉 南
陽氣候溫。四序花相續。十月木芙蓉。鮮鮮鏤香玉。花如朝槿妍。葉擬文楸
綠。惜哉開既晚。桃李占春煦。衣易靜春堂。木芙蓉 少昊集秋律。白蕖
振嚴威。淒其庶物肅。颯然群卉靡。茲花性莫奪。於焉抱貞姿。紛披曲榭陰。
布濩蒼沼涯。蓮混名族。叢菊相因依。衆芳固殊品。相峙各有宜。承露愈
幽艷。被霜增華滋。雖微後凋操。詎先秋草萎。臨流誰爲容。倚風猶自持。踟
躕散芳熊。爲汝發幽辭。金芳備祖李春伯詩 甚疑牡丹叢。但病皮骨老。
不宜入水育。只可隔水眺。宋景文公集江南江北樹。秋至僅成叢。向晚誰
爭艷。酡顏淺作紅。歐陽公集溪邊野芙蓉。花水相媚好。半看池蓮盡。獨伴
霜菊搞。湖上野芙蓉。含思秋脉脉。娟娟如靜女。不肯傍阡陌。詩人香未

來。幽艷冷難宅。芳菲能幾時。顏色如自愛。鮮弄霜曉。裊裊含風態。蕙
蘭須秋香。桃李嬌春醉。時節雖不同。盛衰終一致。莫笑黃菊花。離根容憔悴。
種處雪消春始動。開時霜落鴈初過。誰栽金菊叢相近。織出新香蜀
錦窠。文同丹洲集滕昌祐芙蓉 雙輪發寒葩。一折立紋羽。欲品精妙人。
君當二三數。石學士詩深淺霜前後。應同舊渚紅。群芳生衰歇。聊自舞秋
風。梅聖俞宛陵集玉藥折然栗。金房落晚霞。涉江從楚女。採菊聽陶家。船
憲僧詩霜深纔吐艷。日暮更饒紅。掩映殘荷浦。馮夷敗菊叢。陳簡齋詩
拒霜花已吐。吾宇不要涼。天地雖肅殺。草木有芬芳。道人宴生處。侍女古
時粧。濃露濕丹臉。西風吹綠裳。孫觀鴻慶居士集沙際漾淺碧。竹外散深
紅。晨光發穠麗。醉臉酣春融。歡華不滿眼。榮悴一日中。娟娟泣朝露。撼撼
墮夕風。顧我非靈仙。丹砂駐君容。舉酒酌其根。明年何處逢。李流謙澹齋
集芙蓉 秋光冷如水。秋花淡無色。偶見此繁者。濃豔照孤寂。天寒翠袖
薄。那得在空谷。東風嬖桃李。倚樹三嘆息。李公明詩孤芳照寒水。婉婉自
幽閑。萬木碧無色。一花紅獨殷。秋蓮多綠子。晚槿亦未顏。却笑淵明宅。于
今五柳殘。江湖前集陳君正和元耘軒賦木芙蓉來字韻 碧樹籠秋池。
錦帳迎風開。水光曳倒影。矮菊紛興臺。春風木芍藥。是花豈雲來。淡粧絕

脂粉。獨秀牆之隈。彷彿秦與號。上馬猶徘徊。持以贈美人。斜揮烏雲堆。蘇東坡詩芙蓉。清颺已拂林。積水漸收潦。路邊野芙蓉。花水相媚好。生首池蓮盡。獨伴霜菊稿。並姿強一笑。莫景迫摧倒。淒涼似貧女。嫁晚驚衰早。誰寫少平容。想人劔南老。次公趙昌自題其畫云。劔南想叟。千林掃作一番黃。只有芙蓉獨自芳。喚作拒霜知未稱。看來却是最宜霜。王東牟集觀中芙蓉盛開。秋木日動搖。秋容日脩整。况復白琳宮。焚香事幽屏。胡爲彼美人。犯此清淨境。仙官儼環珮。注目朝倒景。豈容正法眼。泛愛冶色靚。得非葉太清。宿念未灰冷。北斗春已足。三山夢初醒。曰鱗貴女子。俗目未可驕。慣聽步虛詞。生便浮館靜。那知羽衣人。文成僞心猛。記語東方兒。偷桃不可幸。共待月滿除。蕭蕭散踈影。韓流詩蘇坡芙蓉。西湖八九月。蘇堤賞芙蓉。艷艷風日美。鮮鮮霜露濃。今年開最繁。映水自爲容。十里爛成錦。紅綠花重重。錢塘盛吳會。昭代多鼎鍾。遊人醉不歸。車馬如游龍。里巷連廊廟。歌酒日相從。千鍾不憚費。一笑無留蹤。勝踐窮耳目。樂事開心胸。東遊將百年。兵農晏提封。四境復豐穰。物色近初冬。作詩代華黍。皇風正時雍。爛熳芙蓉發。霜前城北花。因君話書室。使我出山家。風雨三杯後。煙雲一望賒。石丁餘興在。相與醉生涯。牆外芙蓉初過其一尚可玩

日晚山氣寒。芙蓉表孤花。亭亭萬綠中。紅鮮照萎葩。不與時物遷。肯以顏色誇。立而望之偏。落葉徒泥沙。楊誠齋集首劉寺芙蓉。初約山寺遊。端爲怪奇石。那知雲水鄉。化作錦繡國。入門逕深深。過眼秋寂寂。隔竹小亭明。稠紅漏疎碧。山僧引幽踐。絕巘恣佳陟。三步綺鳥障。十步霞作壁。爛如屏四圍。搭以帔五色。蒲山盡芙蓉。山僧所手植。秋英例臞淡。此花獨豐澤。却憶補外時。朝士作祖席。是間萬株梅。冷射十崖白。舊遊不可尋。雪枝半榛棘。李處權松庵集芙蓉。佳哉木芙蓉。秋晚芳意足。偶植華堂下。似續淵明菊。看此好顏色。可玩不可觸。始見開二三。旋已放五六。濯濯晨風吹。鮮鮮宵露浴。非關競時節。庶用慰幽獨。我老百念空。掃迹主林谷。猶作煙霞想。父絕脂粉欲。三逕阻幽事。吟苦顏毛禿。河洛未休兵。媿負盃中渌。北窗憚師果。路痕寒不肥。岸容晚益退。其誰憐婆娑。明霞剪零碎。爛爛飽冷露。酣酣俯清潏。宛然古銅碧。嫣然艷粧對。又若翠袖薄。瘦立煙渚外。西風僅如許。晚節尚可待。遂拜拒霜號。不受斷腸洗。亦宜無老成。試請推行輩。挂騰小山榼。前耀東籬米。棠襯芰荷衣。服稱陸離佩。芳芷雅相鄉。宿莽安敢背。花城隔仙凡。俗說信茫昧。獨有離騷經。名氏得先載。實霜攜百卉。拒霜獨開花。寒驅煖消落。秋借春韶華。酣酣羅珍姿。表表駢翠葩。晴雲